

2 KORINTOFÓ

Paulo Ovoli Oyade Kĩ Etselε Ema Korintofó

I Ovoli kī to yī, Paulo, kī Baguma pau ndε Kristo Yesu fótó onyane ne ye kawε onukpě, mọ boe ọwǎ Timoteo sekě. Bọtselε ovoli a bọama Baguma asọli a kī edeĩ ne Korinto mọ Baguma bade a kī bideĩ ne Akaia tite flee a akū.

II Bọawā kī Baguma boe Ọlega mọ boe Ọlate Yesu Kristo, bemo mi kọnya bekpa mi lukudo.

Paulo Nye Baguma Kọle.

III Mifō bọnye Baguma kī enye boe Ọlate Yesu Kristo Ọlega, kī yamọ bati kọnya, kī ye sekě kabumena flee lemε ato a, kọle.

IV Yado boe ọwọle ne boe ọhau flee kame, ayekī bọapuli bọdola bikī bideĩ ne ọhau adi nye adi kame a tọwọle, mọ kabumna a kī boe mọawe bote butomena Baguma sekě a.

V Nde ayekī bọamọ lubo beblebee odu a kī Kristo mó a, ade aye fotsě Kristo akū bọana tsefā katomena Baguma kabumena baū a kame a.

VI Nte bọamọ lubo ni, fọnye kabumena mọ nkpā kate fọkpa mi. Nte Baguma bumọ boe ni, ebumọ mọ mi malo, ekpa mi kọbě kī miapuli mina ọwọle bọεε mimó lubo odu a kī de bọamọ a.

VII Foesū boe kọnste ne mi akū dzě kpli. Kitonkī bunyina kī ayekī miamọ lubo ndε boe ayea, ade aye mi malo miana kabumena a kī bọana a.

VIII Nwaẽ amɛ, boawɛ kɔ minyi ohau a kɔ bona ne Asia kamekame a. Fɔlotsa a kɔ bite ne boe akũ pɔne paa, fɔna olɔme fɔba boe kalo kɔ botákona kɔ bóabuki budzi nkpã.

IX Bómó ne boe kame kɔ beko boe koto bekpa wuda. Lemɛ fukĩ ya ne boe akũ ayekĩ boláakɔa anɛ bute ne boe moawɛ akũ, mbom ne Baguma kɔ yadzela banokpa a akũ.

X Enye boe etomena wuda tisi kɔ tideĩ libe kame, ade yaabuki enye boe a. Bokɔa anɛ bute ne ye akũ kɔ yaabuki enye boe,

XI ndɛ ayekĩ miabumena boe ne mi mpaɛbo kabɔa kakpa boe kame a. Foesũ fɔaya kɔ Baguma aatse mi mpaɛbo pii a kɔ mibɔa mikpa boe a, lokɔa ehila boe, ade bati pii aakɔa osee benye Baguma kole ne boe lolɔ a.

Paulo Le Letsa a Kɔ De Sũ Edani Ye Nhihie.

XII Letsa moa kɔ de akũ boapia nye kɔ boe towɔle abi boe kɔ budzi kadzi wĩ ne katinya kame, titiliwu ne bomɔ mi kadzi kame. Bokena foe nné ne batidziwa kadikanyi kame, mbom Baguma kɔnyakamɔ kobẽ kame futo.

XIII-XIV Botsɛle letsa a kɔ de míapuli mikã minu foe kayɔ a odi boma mi. Lemɛ tito kɔ finyaa mianu boe kayɔ seke mo seke malo ni, yĩ anɛ teĩ kɔ míayanu boe kayɔ yededeede, ayekĩ ne boe Olate Yesu Luwi a akũ ni, míata akũ ne boe akũ ndɛ ayekĩ boe malo bóakɔa mi bupia a.

XV Ìnyina fɔtsa kɔ flee yededeede, ade foesũ nkɛna nhihie kɔ maanya lotɔ ãyaasela mi kufe, ayekĩ míana kasela titi nviã kame nfasɔ.

XVI Kitonekĩ nkenā n̄ihie k̄i maayasela mi n̄te manaa Makedonia, ade n̄te mmuniki maya lem̄e maatsã awã, l̄okoa maate osi katsã kabumena ntomena mi sek̄ẽ n̄naa Yudea.

XVII K̄i nkakena n̄ihie k̄i a, ntãke otse paa n̄e foe akũ mb̄ēe? Mb̄ēe k̄i nkenā n̄ihie a ni, nkenā ye n̄e batidziwa kaw̄e onukp̄ẽ k̄i maapuli n̄le “Oo” m̄o “Oowo” n̄e l̄oko m̄oa kame?

XVIII N̄e ayek̄i Baguma akena n̄e ye kal̄e akũ sũ ni, ȳi letsa a k̄i n̄le ãyi nkpa mi a lenȳe “Oo” m̄o “Oowo” f̄oletsā.

XIX Kitonek̄i Yesu Kristo, Baguma Obi, k̄i ye akũ f̄oletsā Sila, Timoteo m̄o ȳi bude letsã a lenȳe oti k̄i yal̄e “Oo” m̄o “Oowo” oti, mbom ye nȳe Baguma a k̄i yal̄e “Oo” l̄oko nȳe l̄oko.

XX Kitonek̄i ade ye nȳe oti k̄i enȳe Baguma k̄i yal̄e “Oo” k̄i edz̄ẽ ekpa ye f̄oletsā flee a k̄i ele eyi a. Ade f̄oesũ b̄oamu Baguma katsãmena Yesu Kristo akũ kal̄e k̄i, “F̄oya l̄omo” a.

XXI Baguma m̄oawe lek̄ena k̄i b̄omo mi nkpã esipi n̄e om̄oa kakena n̄e Kristo kame. Ade Baguma a m̄oawe lepau boe eyi lite,

XXII eyi boe osũ k̄i ye la boe, ade ek̄oa Hũhũ Kpal̄ewa edo n̄e boe kame nd̄e kasipi n̄e f̄otsa flee a k̄i yaakpa boe a akũ a.

XXIII Baguma nȳe ȳi odansini, kitonek̄i enyina ȳi ow̄ole kame. F̄onene k̄i mm̄o mi k̄onya, ade f̄oesũ ntãbuki ãya n̄e Korinto a.

XXIV B̄otãwe k̄i boah̄e mi n̄e letsa a k̄i ken̄e k̄i mite mido a akũ, kitonek̄i bunyina k̄i midz̄ẽ pintii n̄e mi kat̄ekado kame. Mbom b̄oakena adzuma m̄o mi ayek̄i m̄iam̄o kaw̄ole.

Ⅱ

^I Ne foesũ nkɛna adzuni kĩ nláaya ne mi sekẽ ayekĩ míawo ɔblo.

^{II} Kitonekĩ nte nfõ miwo ɔblo ni, bawei deĩ kĩ baado yĩ kawɔle? Ade mi mɔape a kĩ nfõ miwo ɔblo a.

^{III} Ade foesũ ntsɛle ovoli a na mma mi a. Ntáwe kĩ maya ne mi sekẽ lokɔa mi a kĩ kefeta kĩ mido yĩ kawɔle a miyaafõ nwo ɔblo. Ìnyina yededeede kĩ nte kawɔle ade yĩ ni, mi malo kawɔle ade mi.

^{IV} Ntsɛle ovoli a ne ɔhau, ɔwɔle kabubuli mɔ babe pii kame. Nné yĩ kawɛ nye kĩ mado mi kɔnyɔã, mbom mawɛ kĩ mimɔ miyi ɔsũ ayekĩ mawɛ mi a flee kale.

Paulo Kɔa Tɔkpa Ɔkenane a Tɔkpa Ete Ye.

^V Leme nte oti odi fõ odi wo ɔblo ni, nné yĩ odi efõ nwo ɔblo, mbom nte nláasese foe ni, mi badi kõ miwo ɔblo. Ntáwe kĩ mana ɔsĩ beblebee ne ye akũ.

^{VI} Soto kavele a kĩ mi bati pii mikpa ye a kpɔla.

^{VII} Finyaakĩ ni, mikɔa tɔkpa a mite ye, mido ye kɔbẽ ayekĩ eláatene ɔblo kawo beblebee, ɛyaato flefle.

^{VIII} Ne foesũ make mi aduli kĩ mifõ emɔ kĩ miawɛ ye kale paa.

^{IX} Ntsɛle ovoli a na mma mi, kitonekĩ nwe kĩ manyi ayekĩ midzẽ pintii ne mi sohuiɛ kame, mɔ ayekĩ miakena ne yĩ fɔtsa katsa a akũ lokɔ nye lokɔ.

^X Nte mikɔa odi tɔkpa mite ye ni, yĩ malo nkɔa nte ye. Kitonekĩ nte nkɔa oti tɔkpa nte, mɔ fusĩ malo kĩ nkɔa litsedi nte kõ ni, makena foe ne Kristo anɛ kame ne mi sũ.

^{XI} Nkena foe ayekĩ Abonsam leláakoa tedake enya mi akũ, kitonekĩ bunyina ye tisi a flee.

Paulo We Kĩ Yanu Kale Etomena Tito Sekẽ.

^{XII} Kĩ ãyaade letsã ne Kristo Kale Wĩ a akũ ne Troa a, mmó kĩ boe ɔlate binya osi ekpa ye adzuma kakena ne awã.

^{XIII} Leme foha yĩ paa, kitonekĩ ntámɔ boe ɔwaẽ Tito ne awã. Foesũ nkla bati a ntẽ nnaa Makedonia.

Kristo Fõ Bɔnya Akũ.

^{XIV} Leme bɔanye Baguma kɔle! Kitonekĩ ne boe ɔmɔa kakena mɔ Kristo kame ni, Baguma akpã boe nde bati kĩ bipili be ndom aye ne Kristo akũ kanya kɔdza kame. Baguma tsã boe akũ efõ Kristo akũ fɔletsã gba ne kakɔ nye kakɔ nde ayekĩ kugua mɔ ɔlẽ abɔa kanaa mɔ lugo.

^{XV} Kalá bɔla nde fɔtsa mɔ ɔlẽ kĩ Kristo kɔa ebɔa afɔlie ekpa Baguma, ade bɔgba buko ne bikĩ belamena nkpã kate kana, mɔ bikĩ baawɔ a kame a.

^{XVI} Bɔla nde nfiã kpitii kĩ yakɔ bati a kĩ baawɔ, leme bɔla nde ɔlẽ kloũkloũ kakpa bikĩ baana nkpã kate a. Owei aapuli ekena adzuma kpale kũĩ odu?

^{XVII} Boe kõ bɔlá nde bati bebã pii kĩ benee Baguma kale a nde kɔyaato fɔtsa kĩ folá kɔya mɔ kanɔ aye. Leme ne ayekĩ Baguma do boe sũ ni, bɔale kale ne ɔnɔkɔali kame ye ane kame, nde Kristo basumune aye.

III

Bɔnye Apam Vɔẽ a Basumune.

I Katsa fọatsa kī bubuki bọapia boe akū mbọe? Kane kene kī bọkpa mi boe akū adansie tuvoli, mbọe kī bọte te butomena mi sekē nde ayekī bati badi akena a?

II Ade mi mọawe a nye tuvoli kī betsele ne boe tọwọle kame, kī odi nye odi aapuli enyi ekā leme.

III Foe kame kpale kī Kristo mọawe letsela ovoli kī ekpa boe bọkọa bọma mi. Betakọa ovoli katsela mui betsele ye, mbom bekọa Baguma kī edeī nkpā a Hūhū betsele foe. Betatsela ovoli a ne sileti akū, mbom betsele ye ne batidziwa du akū.

Baguma Kpa Boe Nkpā Ne Apam Vọē a Kame.

IV Bọale fukī kitonekī ne Kristo sū, budeī kadzakō ne Baguma ane.

V Letsama lelāa boe kame kī laafō bọle kī bọapuli bọkena adzuma kī. Kọbē a kī budeī to Baguma sekē.

VI Ade ye lefō kī bupuli bọnya apam vọē basumune, kī enyé mbla a kī betsele biyi a, mbom bọasum ekī Hūhū kame edeī a. Mbla a kī betsele a tsēmọ wuda leme Hūhū ade a kō akpa nkpā.

VII Lọkọ a kī Baguma kọa mbla a kī etsela ne boe tratra akū yakpa Mose a ni, Baguma nye ye kukūkpale etsa. Mose ane kame kata muamua mọ osī mọ osī, mọ kukūkpale paa kī Israelfọ tápuli bike ane ne ye akū, titọ kī kọkadī malo. Nte mbla a kī etsēmọ wuda a né mọ kukūkpale mọ osī a ni,

VIII kekō nte bekọa Hūhū a bakpa a, kukūkpale a aana osī kọba paa.

IX Nte osi a kī batsā ye akū kana kotokaku ayamō kukūkpale, kekō osi a kī etsēmō nkpā leláana kukūkpale baū eba!

X Bōale foe lōmō kitonekī finyaa kukūkpale a bē kotonyade a, ade kukūkpale a kī kōna osī kōkōe a yela a.

XI Kitonekī nte kukūkpale na ne letsa kī letábuna owi akū ni, kekō letsa a kī laawa daa a kukūkpale aana osī kōba.

XII Ayekī budeī kōnete kī sū ni, budeī owōle kado paa.

XIII Boe kō bolá nde Mose kī ekōa lima esua ane kī Israelfō betamō ye ane kame kata muamua kī folamena kadī a.

XIV Ne onokōali kame ni, be adzuni kame tábinya keyawo nviā. Nte bakā tuvoli kōe a kame foletsa a malo ni, lima mōape a buki lasua be ane. Ōmōa kakena mō Kristo kame odi mō baanye lima a na.

XV Ne nviā fuwi kī kame malo ni, nte bekā Mose ovoli kame foletsa a, ane kasua fotsa a buki foasua be adzuni.

XVI Lemē nte odi muniki eya ne Ōlate a sekē ni, baanye limakū a ne ye ane.

XVII Finyaakī ni, “Ōlate a” ne foletsa kī kame nye Hūhū a, ade awā kī boe Ōlate Hūhū deī ni, kaweya lemē deī ne awā.

XVIII Foesū benye limakū a ne boe flee ane, ade bōanye boe Ōlate kukūkpale a katsa yededeede a. Elamena boe kadani kanamena ye kutidu odu a kame, ade boe kukūkpale lemē ade ne ode kabu a.

IV

Hũhũ Kame Fọtsa Kĩ Fọtsẹ Kọya Nẹ Fubui Kame.

^I Ayekĩ Baguma mó boe konya, ekwa osum adzuma kĩ edo nẹ boe awẹ sũ ni, akpọ láveli boe.

^{II} Bofone fọtsa belawa mo fonyoátsa flee awẹ buyi nẹ ówě. Bóákẹna letsama nẹ kake osi akũ, ade bóádani Baguma fọletsa a kale a. Nẹ onokwoli kame ni, budzi nkpá wĩ nẹ Baguma anẹ, ade bọabọa mbodi kĩ boe kadzi kame kiwo odi nye odi anẹ a.

^{III} Kitonekĩ nte Kale Wĩ a kĩ boale a nye fọtsa kolawa ni, fonye fọtsa kolawa fọkpa bikĩ betsẹ nẹ kayela osi akũ a.

^{IV} Katinya kĩ kame oti kpa a ko bati a kĩ betáte bido a adzuni. Esua be anẹ kĩ betamọ Kale Wĩ a ohaĩ a nẹ Kristo kukũkpale akũ a, kĩ kola nde Baguma kutidu pẹpẹpe a kĩ kọako nẹ be akũ a.

^V Kitonekĩ bóáde letsã nẹ boe moawe akũ, mbom boade letsã nẹ Yesu Kristo boe Ọlate akũ, ade boe kọ bonye mi basumune nẹ Yesu sũ a.

^{VI} Baguma a kĩ ele kĩ, “Ọhaĩ evole eto otũ kame” a, ade ye nye Baguma moape a kĩ ye ohaĩ a ko nẹ boe tawole kame, ekpa boe kadikanyi kĩ bọmọ Baguma kukũkpale nẹ Yesu anẹ kame a buyi osũ.

^{VII} Lemẹ boe a kĩ boe kame hũhũ fọtsa mo kọya kĩ deĩ a, bọla nde tibute fubui aye. Ekẹna fukĩ yatsa kĩ kọbě kpale fle a nye ye Baguma kude, nné boe kude kọanẹ.

^{VIII} Lọkọ pii bawe boe kado nẹ ohau kame lemẹ baánya boe akũ, ade fọkọ fudi bakẹna boe adzuni basabasa lemẹ akpọ láveli boe da.

IX Bakesĩne pii deĩ ne boe akũ, leme budeĩ ọkọba odi kĩ yaálo kafone boe, ade fọkọ fudi babọa boe kamuni kapila boe leme baáko boe.

X Lọkọ nye lọkọ boe sukena amọ lubo nde Yesu wuda tsefá a aye, ayekĩ baamọ ye nkpá kadzi a ne boe sukena kame.

XI Ne boe nkpá flee kadzi kame ni, wuda ado boe libe daa ne Yesu sũ, ayekĩ baamọ ye nkpá ne boe sukena kĩ saaku a kame.

XII Fukĩ atsa kĩ wuda lamena adzuma kakena ne boe kame, ade nkpá leme lamena adzuma ne mi kame a.

XIII Katsela Kpalẹwa a le kĩ, “Nle kọdzela kitonekĩ nte ndo.” Ne hũhũ mọape a katekado onukpẹ ni, boe malo bọale kọdzela kitonekĩ bote budo.

XIV Bunyina kĩ Baguma a kĩ edzela boe Ọlate Yesu edzi nkpá a aadzela boe malo, lọkọa ekpá bọmọ mi lodo enamena Yesu ane kame.

XV Bọakena fukĩ bame flee ne mi kale sũ. Nde ayekĩ Baguma semekale lamena bati pii sekẹ kawo a, ade aye baakọa kọlekanye mọ mpaebọ bekpa Baguma ne ye kukũkpale kame a.

Bóana Obu Mọ Kawọle Baũ.

XVI Ne fukĩ sũ ni, akọ láveli boe dadaada. Titọ kĩ boe sukena kĩ lamena kavọ malo ni, boe hũhũ a kọ ana nkpá vọẽ luwi daa.

XVII Lubokamọ kabii lukũ kĩ aakpa boe kukũkpale kĩ fóláana kawũna da, ade fọaba lubo a kĩ bọamọ a.

XVIII Boe ane líteĩ ne fọtsa a kĩ bọamọ a akũ, mbom futeĩ ne fukĩ bọámọ mọ ane a akũ. Letsa a kĩ bọapulí kamọ mọ ane waa fọkpa ne lọkọ lukũ

kame, leme letsa a kī bōláapuli bómó mọ ane a aana daa.

V

^I Kitonekī bunyina kī nte biveli boe tite akū lẹpe kī budzi ne de kame, kī de nye boe sukena a, Baguma aakpa boe kọla vọẽ kī ye mọawe eke ne ode budzi ne koe kame daa.

^{II} Finyaa bọaweya kake, ade boe kawe mọ ọsī mọ ọsī nye kī Baguma ekọa boe ode tọto sukena a esua boe akū.

^{III} Nte ekọa se esua boe akū ni, bọláadzi ọdzo.

^{IV} Kī budzi ne tite akū lẹpe kī kame sū ni, bọaweya kake kī boe fọlọtsa tene ọlome. Nne kawe bọawe kī benye tite akū sukena kī ne boe akū, mbom bọawe kī Baguma ekọa ode side a edo boe ayekī sukena a kī saaku a, aadani flefle sekena sikī saana nkpā.

^V Baguma nye oti a kī emane boe ekpa kadani kī, ade ekọa ye Hūhū ekpa boe nde kasipi ne fọtsa flee a kī emane eyi boe a akū a.

^{VI} Foesū bọado boe akū kọbẽ luwi daa. Bunyina kī nte busila budzi ne tọto kī tenye sukena tọto kame kō ni, bọvele akū ne boe Ọlate ọwẽ.

^{VII} Kitonekī katekado bọkọa budzi nkpā, nné letsa a kī bọamọ mọ ane a.

^{VIII} Budeĩ ọwọle, ade bọawe mbom kī bọane ne boe sukena tọto kame bọnaadzi ne tọto kame ne boe Ọlate a sekẽ.

^{IX} Leme letsa a kī lebẽ flee nye kī, bọawe kī bọakena letsa a kī laawo boe Ọlate ane, nte budzi ne boe tọto kame ne awĩ iye bọnaa ye sekẽ.

^X Kitonekī boe flee bọanadza ne Kristo ane kame, edzemo boe. Odi nye odi aate kọtokase

ne letsa nye letsa a kī ekena a onukpē, nte fonye tuwī ñye tokpa a kī ekena ne ye katinya nkpā kadzi onukpē.

Bɔtsā Kristo Akū Bɔkena Tɔkɔba Mɔ Baguma.

XI Bunyina ayekī kene kī buvila boe ɔlate, foesū bɔabɔa mbɔdi kado bati bebā kobē kī bivila ye. Baguma kō nyina ayekī bɔla yededeede, ade mate kado kī mi malo minyina yī ne mi towɔle fii kame a.

XII Bolámɛna boe akū kabuki kamu katsa mi, mbom bɔawɛ kī bɔakpa mi osi minyi letsa sū kī mita akū ne boe akū. Bɔkena foe lomɔ ayekī míapuli mina mbuaye mikpa bikī badā oti kutitse kapia ne ye akū, kī nné ye ɔbla badā a.

XIII Nte bati badi ale kī boe fɔlɔ kame bu kade ni, Baguma sū fubu kade. Lemɛ nte boe fɔlɔ kame waa yedede ni, mi kale sū fɔla lomɔ.

XIV Kristo ɔɔɔ anya boe akū, kitonekī finyaa bɔmó buyi ɔsū kī oti mɔape liku ne bati flee lolɔ, kī fɔatsa kī bati flee liku ne ye wuda a kame.

XV Eku ne bati flee lolɔ, ayekī bikī bidzi a leláabuki bidzi nkpā bekpa be akū, mbom baadzi bekpa ye odi pe a kī eku, kī bedzela ye edzi nkpā ne be kale sū a.

XVI Foesū kito finyaa kanaa ni, boláabuki bɔdzemɔ odima bɔkɔ ye kɔtɔ ne otidziwa kakɔna onukpē. Tito kī bɔdzemɔ Kristo tō ne bati adzuni onukpē malo ni, bubuki bɔákɛna foe.

XVII Nte odi kɛna ɔmɔa mɔ Kristo ni, edani oti vɔē, oti kɔe a naa, ɔvɔē leya.

XVIII Baguma lekɛna fukī flee, etsā Kristo akū edani boe, ye bakesīne a ekɛna bakɔba, ade ekpa

boe adzuma kī boe malo bọkẹna bati bebā ye bakọba a.

XIX Boe fọletsa nye kī Baguma tsē Kristo akū yalola bẹmọ batidziwa flee kayite bedani ye bakọba. Baguma t́ate batidziwa t́okpa eyi, mbom ẹkpa boe ọlẹdo kī bude letsā kī elola bẹmọ batidziwa flee kayite.

XX Foesū bido boe kī bọle kale bọkpa Kristo. Fọkẹna nde Baguma awe lamena bati kade katsāmẹna boe akū. Bọake mi aduli ne Kristo dī akū kī mifō Baguma ẹdani mi nde ye bakesine a ẹkẹna ye bakọba.

XXI Tito kī Kristo t́akẹna t́okpa tidima malo ni, Baguma fō elọ boe t́okpa enamẹna ayekī nte bọkẹna ọmọa mọ ye ni, boe malo bọanya bati kpī ne Baguma ane.

VI

I Foesū kī bọmọ Baguma bọakẹna adzuma sū ni, bọake mi aduli kī mitafō kọnya a kī Baguma mọ mi a lẹkẹna fọtsa pupulidza.

II Mitse letsa a kī Baguma ẹ,
 “Kī loko wo ọto kī mmọ mi kọnya a, ntse mi,
 kī luwi a wo ọto kī mate mi nkpā a, mbumọ mi.”

Mitse! Ade finyaa kene kī bọate Baguma konyakamọ a, nviā nye luwi a kī ẹte boe nkpā!

Paulo Lubokamọ.

III Bọawe kī odima amọ nfumusunu ne boe adzuma akū, foesū bọawe kī bọakẹna letsa kpa lidima kī laasua odi osi.

IV Mbom ne letsa nye letsa a kī bọakẹna kame ni, bọatsa kī Baguma basumune bọane. Ne foesū

bɔado ɔwɔle kate ɔhau, kamo lubo mo ohiã mo ɔwɔle bɔɛɛ.

V Bibo boe, bido boe ne kola, bido ɔtutũ ne boe kame, befɔ bɔkena adzuma bɔtẽ ɔbẽ, ade budzi tida katawa mo katanya malo a.

VI Ne letsa nye letsa kame ni, bɔbɔa mbɔdi kɔ bɔanya bati kpalewa ne Baguma anɛ. Bɔkɔa boe kadikanyi, ɔwɔle bɔɛɛ mo boe sɛmɛ kale kakena bɔatsa kɔ Baguma basumune bɔanɛ. Fukɔ fubu nye kɔ Hũhũ Kpalewa mo ɔdo dzununuunu,

VII boe ɔnɔkɔali ɔledo a, mo Baguma kɔbẽ abumo boe. Bɔnɛ kadzi kpɔɔ ne Baguma anɛ a ndɛ boe kawũkano fɔtsa kɔ bɔkɔa bɔano kawũ, ade bɔakɔa foe bɔapili boe lolɔ lemɛ a.

VIII Bakpa boe obu, badi asupa boe, badi avũna boe badi lemɛ amu boe. Badi adã boe ndɛ bavãlevã bɔanɛ, lemɛ bɔale ɔnɔkɔali kale a.

IX Bakena boe ndɛ bati kɔ binyina, lemɛ bati flee nyina boe. Babu boe ndɛ bati kɔ belá nkpã lemɛ budeɔ nkpã. Titɔ kɔ bavele boe soto malo ni, betáko boe,

X titɔ kɔ bido boe ne ɔbɔdo kame malo ni, bɔamo kawɔle luwi daa. Bɔadã ndɛ ahiãfo lemɛ bɔafɔ bati pii akena asikafɔ. Bɔkena ndɛ bɔlá letsama lemɛ ne ɔnɔkɔali kame ni, ade boe deɔ letsa nye letsa a.

XI Nwaẽ amɛ Korintofɔ, bubinya boe towɔle kame mo ɔdo bɔkpa mi, ade bubu mi ɔnɔkɔali fɔletsa a yededeede.

XII Nné boe letanye boe ɔdo kanya, mbom mi lokɔa mi ɔdo mikɔla boe.

XIII Foesũ finyaa mabi mi tuwuli ndɛ yɔ babi aye. Minye mi towɔle kame fɔletsa mitsa boe ndɛ ayekɔ boe malo bɔakena kakpa mi a.

Mitakena Ɔmɔa Mɔ Bikĩ Betáte Bido a Ne Letsama Kame.

^{XIV} Mitakena Ɔmɔa mɔ bikĩ betáte bido a. Tuwĩ kakena mɔ tɔkpa kakena aapuli tekpɔta tekena letsa mɔa mbɔɛɛ? Nde ɔhaĩ mɔ ɔtũ aapuli bidzi bekpɔta?

^{XV} Nde Kristo mɔ Belial baviõ a aapuli bekena onukpẽ mɔa? Litsa nye letsa mɔa kĩ lideĩ ne ɔte odonɛ mɔ ekĩ etáte edo kayite?

^{XVI} Nde Baguma asoli kɔla mɔ kuviõla aapuli bekena Ɔmɔa? Kitonekĩ boe nye Baguma kĩ edzi nkpã a asoli fɔla! Baguma mɔawe le kĩ, “Maake toto ne yĩ bati sekẽ, lɔkɔa maadzi ne be kame. Maanya be Baguma lɔkɔa benya yĩ bati.”

^{XVII} Foesũ boe Ɔlate a le kĩ,
 “Midzakũ ne be sekẽ,
 minye mi akũ ne be kame.
 Mitakena letsa a kĩ de akũ tákpale,
 lɔkɔa maate mi atuu.

^{XVIII} Maanya mi ɔlega
 ade mi míanya yĩ babinyole mɔ babitsole a.
 Ade aye boe Ɔlate Mɔ Kɔbẽ Flee a le a.”

VII

^I Nwaẽ ame, ayekĩ bekpa boe kɔnɛte ne fukĩĩ flee akũ sũ ni, mifõ bɔkpale boe akũ ne letsa nye letsa kĩ lado sukena mɔ hũhũ efĩ a kame. Mifõ boe kadzi kame flee kedã yedede ne Baguma kavila kame.

Paulo Mɔ Kawɔle Ne Ayekĩ Korintofɔ Dani Tɔwɔle Kame Sũ.

^{II} Minye mi ɔɔo mitsa boe. Botáfum odima, botábula odima kadzi kame kade, ade botásisi odima leme a.

III Ntáɛ fukĩ kĩ makɔ mi kɔɔ, kitonekĩ nde ayekĩ nɛ ãnyamena lɔɔ a, mite kɔya mikpa boe paa kĩ nte fɔnye wuda malo ni, bɔmɔ mi aaku, ade nte fɔnye nkpã lemɛ ni, bɔmɔ mi aadzi nkpã.

IV Nte mi ndo paa ade mapia akũ ne mi akũ lemɛ a. Ɔwɔɛ ka edzi yĩ. Ne boe lubo kamɔ flee kame ni, mbuki ndeĩ ɔwɔɛ paa, ade kawɔɛ ade yĩ paa a.

V Kĩ bɔyawo Makedonia malo ni, bɔtána kaweya kadima. Bɔmɔ lubo ne kakɔ nye kakɔ, bati do boe tɛdze ade libe na ne boe kame a.

VI Lemɛ Baguma kĩ yado bikĩ akpɔ veli be kɔbẽ a, do boe ɔwɔɛ ne Tito kaya kame.

VII Nné Tito kaya a odi lido boe ɔwɔɛ, mbom ye adansie a kĩ edi ne mi akũ kĩ mido ye ɔwɔɛ a lemɛ bu. Ebi boe ayekĩ miwe paa kĩ miamɔ yĩ, ayekĩ fuwo mi kalɔɛ ne letsa a kĩ leya a akũ, mɔ ayekĩ mimane akũ midzi kĩ míadza ne yĩ liti mipili yĩ lolɔ. Ne foesũ finyaa mamɔ kawɔɛ kaba kɔkɔɛ a.

VIII Kitonekĩ nte ovoli a kĩ ntsɛɛ mma mi a fɔ miwo ɔbɔɔ malo ni, fɔtáwo yĩ kalɔɛ kĩ ntsɛɛ ye. Fɔapuli fuwo yĩ kalɔɛ kitonekĩ mmɔ kĩ lɔkɔ lukũ odi kame mɔ miwo ɔbɔɔ.

IX Lemɛ finyaa, kawɔɛ ade yĩ, nné kĩ ndo mi ɔbɔɔ a sũ, mbom mi ɔbɔɔ kawo a fɔ midani mi kadzi kame. Baguma kawɛ fɔane kĩ miwo ɔbɔɔ, foesũ letsa a kĩ bɔkena a nye nfasɔ mbom fɔkpa mi.

X Kitonekĩ ɔbɔɔ kawo a kĩ fɔnye Baguma kawɛ afɔ oti adani ɔwɔɛ kame, ade fɔakpã ye kanamena daa nkpã a kame a. Fukĩnaa láwo kalɔɛ! Lemɛ nte oti wo ɔbɔɔ ne katinya kame kawɛ onukpẽ kɔ ni, wuda fɔaveɛ kayamena.

XI Midã ayekĩ obodo kĩĩ odu, kĩ Baguma awe a akena adzuma ne mi kame! Fofõ miayili akũ kakena fotsa wĩ, ade fofõ miakpale mi akũ a. Fofõ miana kalokpa ne fotsa a kĩ fotákpola akũ, fofõ miavila ade fofõ miadã ane mo osĩ mo osĩ a. Fofõ miana ovio ne fotsa kakena kame, ade miawe kĩ bevele oti a kĩ ekena tokpa a soto a. Ne foe flee kame ni, minye mi akũ miatsa kĩ mitádi mfumsu ne foletsa a kame.

XII Foesũ tito kĩ ntsele ovoli a na malo ni, nné oti a kĩ efum, iye ekĩ ye bifum a sũ ntsele ye. Mbom ntsele ye matsa ayekĩ miakoa mi akũ flee kakpa boe a ne Baguma ane.

XIII Ade foesũ bokado owole a.

Nné owole kado odi bona, kawole de boe baũ ne kawole a kĩ Tito mó ne mi akũ a sũ, kitonekĩ ebi boe ayekĩ mi flee mifõ owole ka edzi ye a.

XIV Nkoa mi mpia ntsa ye, ade mitádo yĩ konyoã leme a. Bubi mi onokoli kale a, ade ayea kapia a kĩ bupia botsa Tito a leme yanya onokoli a.

XV Ye odo ne mi akũ ade ne ode kabu, nte ete ane ne ayekĩ mi flee miwe kĩ miakena ne ye fotsa katsa akũ, mo ayekĩ mite ye atuu ne obu mo kukũtila kame a.

XVI Kawole ade yĩ, kitonekĩ maapuli nkoa ane nte ne mi akũ ne letsa nye letsa kame.

VIII

Kristofõ Te Fotsa Faa.

I Nwaẽ ame, boawe kĩ minyi letsa a kĩ Baguma tsãmena ye konya kamo kame ekena ne Makedonia tesoli a kame.

II Beso be bedã ne lubo kamo mo osi mo osi kame, leme fude be kawole baũ, foesũ tito kĩ ahiãfo bane malo ni, bite fotsa mo kawole.

III Maapuli nle pipiipi kĩ bite fotsa nde ayekĩ baapuli, malo kolaa ni, bite foba be kobẽ. Ne be mawe kawe onukpẽ bite fotsa faa.

IV Bike boe aduli mo osi mo osi kĩ bokpa be osi be malo bibumena Baguma bade a kĩ bideĩ ne Yudea bakena adzuma a.

V Fukĩ bekena kĩ bẽ letsa a kĩ de akũ bute ane. Letsa letonyade nye kĩ bekõa be akũ bekpa boe ðlate, ade ke liti a, bekõa be akũ bekpa boe ne Baguma kawe onukpẽ.

VI Foesũ budo Tito, kĩ ye liyi adzuma kĩ kayõ a kobẽ, kĩ enaa lotõ mo ye adzuma, lokõa ebumena mi miwũna odo adzuma titiliwu kĩ.

VII Finyaa minye bati kĩ benyaa lotõ ne letsa nye letsa kame. Mi katekado, mi kodzela kale, mo mi kadikanyi awo ane. Miayili akũ ne letsa nye letsa kame ade miawe boe kale a. Ne foesũ boawe kĩ minya lotõ ne konyakamo adzuma kĩ leme kame.

VIII Nnẽ mbla adima masui nkpa mi, mbom ne ayekĩ bati bebã lamena akũ kayili kĩ bakpa kabumena sũ ni, mawe ñnyi nte mi odo a kĩ mideĩ a leme kpõla.

IX Minyina boe ðlate Yesu Kristo konya kamo a kĩ edeĩ ekpa boe, ade tito kĩ enye osikani malo ni, ekena ye akũ nde ohiãni ne mi kale sũ, ayekĩ yaakena boe asikafo ne ye tihia a kame.

X Yi kakõna nye kĩ fonene kĩ miwũna adzuma a kĩ miyi kayõ katukõe a. Mi nyẽ bati batonyade kĩ biyi kayõ, ade minya batonyade malo kĩ bituno kĩ baakpa a.

XI Finyaa mikena adzuma a minamena loto lokoa miwūna ye! Miyili akū miwūna ye nde ayekī mikoa miyi ye kayo a. Mikoa futetsa a kī mideī a mikena adzuma a.

XII Nte futo odi owole kame paa kī yaate fotsa ni, Baguma aate fukī ena ekpa a, leme nné fukī elá a.

XIII Nláména bati bebā folotsa akū katinya kī makoa ndo mi fude olome,

XIV leme ayekī mideī fotsa pii ne loko kī kame sū ni, fonene kī miabumo bikī fusī be a. Ke liti nte keyaasī mi, mo bideī fotsa pii ni, baabumena mi. Ne osi kī akū ni, mi akū kabumena a aaketi.

XV Betselé ne Katselé Kpalewa a kame kī, “Ekī ekpota fotsa beblebee tána fubulusu, ade ekī ekpota kabii leme tásī letsama a.”

Bido Tito Mo Ye Bakoba Ne Korinto.

XVI Boanye Baguma kole kī efō Tito boa mbodi yabumo mi nde ayekī boe malo boawe kī boakpa mi kabumena.

XVII Kī bubī ye kī eya ne mi sekē a, etuno mo kawole. Leme fonye ye kawe kokoe kī yaya ne mi sekē.

XVIII Budo bemo boe owaenyole, kī tesoli bati a flee akpa obu paa ne ye Baguma folotsa kale kame a kī etomo ye.

XIX Letsa a kī libu nye kī tesoli a lenye ye, bituno leme kī etsā etomo boe bokena odo adzuma a fudo boe Olate obu, lokoa fotsa leme kī bowe kī boakpa bati bebā kabumena.

XX Boadā kadā wī kī odima leláyavia boe kadi etomena ayekī bokena seme kale futetsa kī akū adzuma.

XXI Boe botae nye kī boakena letsa a kī lenye ɔnɔkɔali, nné ne boe ɔlate odi ane, mbom mo batidziwa leme ane.

XXII Foesū budo boe ɔwaẽ kī etomo be. Boso ye bɔdā loko pii ade bɔmó kī yaboa mbodi ne fotsa pii kakena kame a. Ade finyaa, kī ete mi edo paa sū ni, akū asī ye paa kī yayaakpa mi kabumena.

XXIII Tito kō ni, enye yī okoba paa kī boakena adzuma bubumo mi. Boe bawaẽnyole bebā a kī bitomo ye a kō ni, ade be dzẽ ne tesoli a kadzakō bekoa kamu bakpa Kristo a.

XXIV Minye mi odo mitsa be, ayekī tesoli a flee aate bido, binyi leme kī boe kukūpia ne mi akū a nye ɔnɔkɔali.

IX

Bate Badone Bebā a Kabumena.

I Fotásī kolaa kī matsela mi ovoli ne futetsa a kī miakoa kama Baguma bade a kī bideĩ ne Yudea tite akū a akū.

II Ìnyina kī miawe kī miakpa kabumena, foesū nkoa mi mpia ntsa bati a kī bideĩ ne Makedonia tite akū a. Nle kī, “Boe bawaẽ ne Akaia tite akū a mane akū kī bakpa kabumena ane katukoe.” Mi mbodi ne foe akū fō fi wo ne be seke moa pii kame.

III Finyaakī mado boe bawaẽ kī ne mi sekẽ, ayekī baamo kī boe kukūpia ne mi akū ne futetsa akū a lenyé kodzela pupulidza. Leme nde ayekī mbi be kī mimane akū mo mi fubumenatsa a, mawe kī mina ne kukūmane kame lomo.

IV Leme nte Makedoniafo aatomō yī beyaamo kī mitámane akū mikpa futetsa a kō ni, konyoã

aawo boe, lɛmɛ kɔnyɔã baũ aawo mi kɔba, kitonekĩ baakɔna kĩ boténe anɛ kate ne mi akũ.

^V Foesũ nkɔna kĩ fusĩ kĩ mapiã boe bawaẽ kĩ benya yĩ lɔtɔ lɔkɔa beyaamanɛ futetsa a kĩ mile miyi kĩ miakpa a. Futetsa kĩ aakpɔta nte ìya, ade fɔatsa kĩ mi ɔwɔle kame futo sũ mikpa, fɔnyé fukĩ behe mi kĩ mikpa.

Baguma Awe Oti Kĩ Yate Fɔtsa Kĩ Futo Ye Ɔwɔle Kame.

^{VI} Mite anɛ kĩ oti kĩ edu funitsã kabii ni, funitsã sukuloo yaana, ekĩ edu funitsã pii aanye funitsã baũ.

^{VII} Foesũ odi nye odi ekpa ndɛ ayekĩ ɛwe futo ye kame, ɛtakena foe mɔ kalɔɛ ìye kĩ fɔnyɛ ɔhe kĩ ɛkena sũ, kitonekĩ Baguma awe oti a kĩ yakpa fɔtsa mɔ kawɔle.

^{VIII} Baguma aapuli ekpa mi fɔtsa ɛba fukĩ misĩ, ayekĩ lɔkɔ nye lɔkɔ míana fɔtsa a kĩ misĩ mikpa mi akũ a, mina fublusu mikɔa mikena tudzuma wĩ tidi nye tidi.

^{IX} Katsɛle Kpalɛwa a lɛ kĩ,

“Yakpa ahiãfɔ fɔtsa faa

ade ye sɛmɛ kalɛ kakɛna waa daa a.”

^X Baguma kĩ yakpa okuani fudutsa mɔ funitsã kĩ yanya, aakpa mi fudutsa flee a kĩ misĩ a, ɛfɔ fubo anɛ fɔkpa mi funitsã beblebee ayekĩ miakɔa mikena sɛmɛ kalɛ tudzuma pii.

^{XI} Baguma aafɔ minna akũ fɔtsa daa, mipuli mikakɛna sɛmɛ kalɛ lɔkɔ nye lɔkɔ, ayekĩ bati pii aanye Baguma kɔlɛ ne futetsa a kĩ betɛ bitomɛna boe sɛkẽ a sũ.

XII Kitonekĩ kabumena a kĩ mikpa a ni, nné Baguma bati a odi kasĩ onukpě mipi, mbom fofõ bati pii anye Baguma kóle paa.

XIII Letsa a kĩ laato mi ɔsum kĩĩ kame aafõ bati pii limu Baguma, kitonekĩ mite Kristo Kale Wĩ a mido, mikena ne ke akũ, ade mikena seme kale kĩ mite fotsa mikpa be mo bati bebã leme a.

XIV Foesũ baakɔa ɔɔo kĩ eto ɔwɔle dzununuunu kame bebɔa mpae bekpa mi, kitonekĩ Baguma mó mi konya pii.

XV Mifõ bonye Baguma kóle ne ye futetsa a kĩ ekpa boe, kĩ bɔláapuli bonye foe kayo sũ a!

X

Paulo Pili Ye Adzuma Lolo.

I Yĩ Paulo moawe lamena mi aduli kake. Ade yĩ bati ale kĩ ñnye oti dɔwa nte ndeĩ ne mi kame, leme nte nláa mi sekě kɔ ni, ndeĩ awũni. Ntsě Kristo akũ kadola mo ye seme kale kame,

II make mi aduli kĩ nte ñya ne mi sekě ni, mitafõ ñyaana awũni, kitonekĩ mate kado kĩ maapuli nna awũni paa ne bikĩ bale kĩ katinya liti katomena sũ boakena adzuma kĩĩ akũ a.

III Fonye ɔnokɔali kĩ katinya kame budzi, leme boáno kawũ ne katinya kame kobě onukpě.

IV Kawũkano fotsa a kĩ bonɛɛ boano a lenyé katinya kame fude, mbom fonye Baguma fude a kĩ fudeĩ kobě, kĩ bokɔa boabubuli okesĩne fudzikɔ mo ɔsĩ a.

V Boabula fɔvã kama folets a kĩ bati avele a kade. Boawola letsa nye lets a kĩ latsa kapia kĩ foasua Baguma kanyi osi. Boapi adzuni adi nye

adi nde ayekĩ bapili bati ne kawũ kame kĩ ekena ne Kristo kawe akũ.

VI Nte mikoa mi akũ flee mikpa boe, mo miatse boe ɔledo ni, boe malo bomanε akũ bokpa kĩ bóavεle odi nye odi kĩ yakena ato ɔsĩ a soto.

VII Miadã oti anε kakena fotsa. Odi deĩ ne mi kame kĩ yabu ye akũ kĩ enye Kristo ode mbɔεε? Nte aye ni, mifõ owula ebuki ekona ye akũ edã, kitonekĩ nde ayekĩ enye Kristo ode a, ade aye boe malo bonye Kristo bade a.

VIII Kitonekĩ konyɔã láko yĩ, nte nténe kapia beblebee ne otumĩ a kĩ boe ɔlate kpa boe a sũ. Ekpa boe otumi kĩ bokoa bɔdɔɔla mi mibo anε, nné kĩ bokoa bubula mi kade.

IX Ntáwe kĩ fakena mi nde mado mi libe mo tuvoli kĩ ntsele a.

X Badi aale kĩ, “Paulo tuvoli kame fɔletsa deĩ ɔsĩ, fudeĩ kobẽ malo, lemε nte ye mɔawe a edeĩ ne boe sekẽ kɔ ni, elá ɔsĩ ade ye kodzela kale lemε lányene bati akũ!”

XI Bati a na odu binu foe kayɔ, kĩ kavemena kadima leláa letsa a kĩ bɔatsεle kado ne boe tuvoli kame nte budeĩ mo lugo, mo letsa a kĩ bóakena nte budeĩ ne mi sekẽ a kame.

XII Ne ɔnokɔali kame ni, bóláawe kĩ bɔako akũ bɔbɔa mo ĩye bokona mo bati a kĩ bamu be akũ beblebee a. Badzimbifo paa banε! Bideĩ be mɔawe tisi kĩ te akũ batsã kakona akũ kadã, foesũ badzemɔ be akũ ne be mɔawe tisi a akũ.

XIII Lemε boe kɔ ni, boe kukũpia lelányina ɔbẽ. Mbom kóana ne awã kĩ Baguma yi ekpa ne boe adzuma kakena kame, ade boe adzuma ne mi kame lemε bu a.

XIV Ne ayekĩ mideĩ ne kako a kĩ Baguma tsua ekpa boe a kame sũ ni, kĩ bọkọa Kale Wĩ ne Kristo akũ a bọama mi a, bọtányina bọnaa tebẽ a liti.

XV Foesũ bọápia ne adzuma a kĩ bati bebã kena binyina tebẽ a kĩ Baguma yi ekpa boe a akũ. Mbom bọadã ane kĩ mi katekado aabo ane, lokọa bọapuli bọkena adzuma baũ bọnaa loto ne mi kame, ne awã kĩ Baguma kpa boe ekpula a.

XVI Ke liti a, bọapuli bunyina mi bọnaade letsã ne Kale Wĩ a akũ ne fude bebã kame, ade foláasĩ kĩ bọapia ne adzuma a kĩ bati bebã kena kọkọe ne be kako akũ a.

XVII Leme nde ayekĩ Katsese Kpalewa a le kĩ, “Nte odi awe epia ni, kene kĩ epia ne letsa a kĩ boe Ọlate kena a akũ.”

XVIII Kitonekĩ nné oti a kĩ yamu ye mọawe akũ a nyẹ oti wĩ, mbom oti a kĩ boe Ọlate amu nyẹ oti wĩ.

XI

Paulo Yidza Edza Ne Fovã Foto Banyane Akũ.

I Mawe kĩ mina ọwọle mikpa yĩ, tito kĩ miádã kĩ ndzimbi sukuloo malo. Make mi aduli, mite foe lomọ mi kpa yĩ.

II Manọ lineke ne mi lolọ nde ayekĩ Baguma leme anọ lineke a. Mila nde oyitsõ kĩ enyína onyole kĩ ntinya nkpa onyole mọape odi kĩ enye Kristo mọawe a.

III Mavila kĩ bati aabula mi adzuni kade nde ayekĩ kọe kọa tedake kọke Eva, kĩ miláakọa tọwọle kpalewa misum Kristo nde ayekĩ mikakena a.

IV Kitonekĩ miate odi nye odi kĩ yade letsã ne Yesu bebã kĩ nné ye akũ bude letsã bokpa mi a mo kawole moatse moatse. Ade ke miate hũhũ mo foletsa a kĩ fovemena kolaa ne Hũhũ Kpalewa mo Kale Wĩ a kĩ mite mitomena boe sekẽ a leme a.

V Maábu kĩ mi foto banyane a kĩ miakona kĩ benye bati titiliwu badi odu a te koyá beba yĩ ne osi odima akũ.

VI Osa ñnye oti kĩ yaápuli kale kodzela kale wĩ, leme mabi mi pipiipi kĩ nné mo kadikanyi kame. Bonye foe bõtsa mi pefee ne lokõ a flee kame ne osi nye osi akũ.

VII Kĩ ñyale Baguma Kale Wĩ a ntsa mi a, ntáte letsama ntomena mi sekẽ. Leme ndola yĩ akũ ayekĩ baadela mi ne ode. Tõkpa tane kĩ nkena mbõee?

VIII Kĩ nkakena adzuma ne mi kame a, tesoli bebã bati lise yĩ koto. Bõabõe foe kĩ nkaye be kĩ makõa mbumena mi.

IX Ade lokõ a kĩ nna ne mi sekẽ a, ntáha mi mo kabumena nte nsĩ sika malo. Boe bawax bate badone a kĩ bito Makedonia beya a lema yĩ letsa nye letsa kĩ lisĩ yĩ. Nde ayekĩ fõna kokõe a ade aye fõana ne kunya kame leme a, kĩ nláakõa yĩ akũ nkena folõtsa nte ne mi akũ da.

X Kĩ Kristo õnokõali kale a deĩ ne yĩ kame sũ ni, letsama leláasua yĩ osi ne kakõma, kĩ ntipia ne fukĩ akũ ne Akaia tite flee akũ.

XI Kale nle fukĩ kitonekĩ maáwe mi kale sũ mbõee? Baguma nyina kĩ mawe mi kale!

XII Maakakena letsa a kĩ makena finyaa, kĩ nláakõa yĩ folõtsa nte ne mi akũ, ayekĩ foto

banyane babebã a lelãana osi bipia akũ bele kĩ bomo be akena adzuma ne osi moape akũ.

XIII Bati a na lenyé foto banyane wĩ, mbom benye fovã foto banyane kĩ bake bati ne be adzuma a kĩ bakena a kame. Bakena be akũ nde Kristo foto banyane moawe paa bane.

XIV Fukĩ tãkena wãwã, kitonekĩ Abonsam malo apuli kadani ye akũ kadã nde ode foto onyane aye ne ohaĩ kame.

XV Foesũ fonyé letsa baũ lidima nte ye basumune leme dani be akũ bekena nde Baguma basumune kĩ bakena fotsa ne osi kpĩ akũ. Ne ke kawũna a, baana letsa a kĩ be lekenna feta a perepe.

Lubo a Kĩ Paulo Mo Nde Foto Onyane Aye.

XVI Mbuki male kĩ odima etakona kĩ ndzimbi. Leme nte mibu yĩ lomo kũ ni, mite yĩ nde odzimbifo aye lokoa yĩ malo mia sukuloo.

XVII Onokali kale kĩ male kĩ lenyé letsa a kĩ boe Olate aawe kĩ nle. Ne kukũpia foletsa kĩ kame ni, male kodzela koũ nde odzimbifo aye.

XVIII Leme ne ayekĩ bati pii apia akũ ne katinya kame fotsa akũ sũ ni, yĩ malo maakoa foe mpia.

XIX Mi moawe a minye bati kĩ binyina kadi paa, foesũ miana owole kate bikĩ bidzimbi a ne kawole kame.

XX Nte odi akpã mi ne ohe kame, iye yasisi mi, iye yadã mi ne kayo kayo iye yabale mi ne ane kame malo ni, miate foe mo owole boee.

XXI Konyoã fãane fokpa yĩ kĩ botãna owole bokena fukĩna bame odu. Mbøee fofeta kĩ bokena lomo?

Leme nte odi do ɔwɔle kɔ yapia ne litsedi akũ ni, yĩ malo maado ɔwɔle nde ye aye, leme finyaa male kɔdzela nde odzimbifo aye.

XXII Bale kɔ Hebrifo banɛ. Oo, yĩ malo Hebrini manɛ. Bale kɔ Israelfo banɛ. Yĩ malo Israelni manɛ. Bale kɔ Abraham babi mo bawa banɛ. Yĩ malo nto Abraham kasinu a kame.

XXIII Bale kɔ Kristo basumune banɛ. Male kɔdzela nde ɔbɔndamfo manɛ, leme inye ɔsumune wĩ mbẽ be! Nkɛna adzuma mo ɔsĩ mba be, bido yĩ ne kɔla mba be, bibo yĩ mo kutsei fɔba be, ade nkawo ne wuda awe kame moatse moatse.

XXIV Titi elo moa kɔ Yudafɔ bo yĩ kutsei taale-avedi.

XXV Titi elale kɔ Romafo bo yĩ mo mpile ade beno yĩ boe deedi a. Ndzi ne ɔkɔlo kame titi elale kɔ ɔwe bubuli ye, luwi moa mo lenye flee nkaho ne mui anɛ.

XXVI Ne yĩ tisi pii katsã kame ni, towɔ kayili, bayekpane kado yĩ libe ade ayea Yudafɔ mo bikĩ benyɛ Yudafɔ kawɛ kɔ bako yĩ a. Nna ne nkpã mo wuda kayite ne temato tekpale tekpale kame, ne fupo kame, ne mpo anɛ mo fɔvã letsã badene awe kame.

XXVII Ìyili akũ nkɛna adzuma mo ɔsĩ, fɔko fudi ndzi kɔ maána tida nwa. Kɔle mo ɔmoado kako yĩ, fɔko fudi ndzi maána funitsã inya nwĩ, ade maána kawakɔ ìye tetadie kɔ mado a.

XXVIII Ne fukĩ flee liti ni, luwi nye luwi tesoli a akũ kakona kɛna fɔlɔtsa kɔ futeĩ ne yĩ ɔwɔle.

XXIX Nte akpo veli odi ne ye katekado kame ni, akpo aveli yĩ kaba. Nte befɔ odi wo ne tokpa kame ni, mana foe akũ kalokpa baũ.

XXX Nte kene kī mpia akū ni, maapia ne fotsa a kī fotsa kī nlá kobě a akū.

XXXI Baguma, kī enye boe Ọlate Kristo Ọlega, kī bamu ye dī daa a, nyina kī nné fovā mama.

XXXII Kī nna ne Damasko a, Legā Areta fō bikī badā ọmato a akū a dza ne ọmato a seebi kobā onukpē kī bipi yī.

XXXIII Leme bati do yī ne ọtsetse kame betsāmena ne seebi nfansili kame bekamena bedzela, ade nlo nfone ye a.

XII

Paulo Le Ye Anε Ketee Foda Mo Fotsa Kanyekatsa.

^I Titō kī nfaso adima lelāa kapia kame malo ni, kene kī mpia akū. Leme finyaa maale kodzela ne fotsa a kī mmó ne anε ketee foda kame, mo fotsa a kī boe Ọlate nye etsa yī a akū.

^{II} Ìnyina onyole odi kī enye Kristo ode. Ade futeli ewua-ana kī fọtě kī bebōe ye benamena ode flefle a. Ìnyína nte sukena kame ena ìye nné sukena kame ena, mbōente Baguma odi nyina.

^{III-IV} Mbuki male kī ìnyina kī bipi onyole kī benamena Paradiso kame, leme ìnyína nte ena ne sukena kame, ìye nné sukena kame ena, mbōente Baguma odi nyina. Ade awā enu fotsa a kī otidziwa lelāapuli ele, mo fotsa a kī betákpa odima osi kī ebinya onukpē ne foe akū.

^V Foesū maapia ne onyole kī akū, leme nláapia ne yī mọawe akū, mbōente ne fotsa a kī fotsa kī nlá kobě a akū.

^{VI} Nte kawε nwe kī mapia akū malo ni, nláakena foe ndε odzimbifo aye, kitonekī

maakale onokwali a. Leme nlaapia akũ, kitonekĩ ntáwe kĩ odima ebu yĩ eba ayekĩ enyina kĩ nla a, ne letsa a kĩ emó kĩ nkena mo likĩ enu kĩ nle a sũ.

VII Leme ne ayekĩ nlaadela yĩ akũ ne ode ne awāwā fotsa pii a kĩ Baguma nye etsa yĩ a sũ ni, bido foso nde su kĩ sawo paa ne yĩ sukena kame. Foso a kena nde Abonsam foto onyane kĩ fokaaha yĩ mo osĩ mo osĩ, ayekĩ nlaatene yĩ akũ kadela ne ode.

VIII Mboa mpaε titi elale nkpa boe Jlate kĩ enye foso kĩ ne yĩ kame.

IX Leme mbuaye kĩ ekpa yĩ nye kĩ, “Yĩ konyakamo nye letsa a kĩ de osĩ, kitonekĩ yĩ kobē ana osĩ paa nte no olá kobē.” Foesũ kawole ade yĩ paa kĩ mapia akũ ne yĩ osĩ katana a akũ, ayekĩ maamo Kristo kobē a ne yĩ kame.

X Foesũ kawole ade yĩ ne osĩ katana, fuvūnatsa, lubo kamo, liti katomena, mo ohau kamo akũ ne Kristo sũ. Kitonekĩ nte nla kobē ni, Kristo ado yĩ kobē.

Paulo Sĩ Akũ Ne Korintofɔ Bate Badone a Jbla Akũ.

XI Male kodzela nde odzimbifo aye, leme mi lefō nkena foe, kitonekĩ mi nye bati kĩ kene kĩ bimu yĩ kufe. Kitonekĩ tito kĩ ñnyé letsama malo ni, mi foto banyane titiliwu a lebē yĩ ne osi odima akũ.

XII Awāwā mo kobē fotsa, mo nsentseleni a kĩ nkwa owole boεε nkena ne mi kame a atsa pefee kĩ foto onyane wĩ mane.

XIII Nkena tuwĩ tidi nkpa tesoli bebā a mba mi mbōεε? Nné foe nye kĩ ntákwa yĩ akũ kadā nte ne

mi akū sū mbɔɛɛ? Make mi aduli kī mikɔa mite yī, nɛ ayekī ntákɛna mi kakɛna wī sū!

XIV Finyaa ade lɛlɛɛde kī mmanɛ akū kī mayaasɛla mi a, lɛmɛ nláawā mi letsama. Mi mɔawɛ a mawɛ, nné mi sika. Malo kɔlaa ni, nné babi kɛnɛ kī bɛmanɛ fɔtsa biyi bɛ bamannɛ, mbom bamannɛ kɛnɛ kī bɛkpɔta fɔtsa biyi bɛ babi.

XV Maamɔ kawɔɛ nɛ mbula yī kɔbɛ̃ flɛɛ a kī ndeĩ a kade, nkɔa mbumɛna mi. Nɛ mawɛ mi kalɛ paa a ni, nde sū kɛnɛ kī mi ɔɔɔ a kī mideĩ mikpa yī a akū etinya?

XVI Foesū mite foe kī ntányaa fɔlɔtsa nɛ nɛ mi akū. Lɛmɛ badi aalɛ kī ndeĩ tɛɔake, ade nkɛ mi nɛ nyansā kammɛ nɛ fɔtsa a.

XVII Ntsā batɔ a kī ndo nɛ mi sɛkɛ̃ a kammɛ odi akū nsisi mi mbɔɛɛ?

XVIII Nke Tito aduli kī ɛya nɛ mi sɛkɛ̃, ade ndo ɔtɛ ɔɔnɛ bɛbā lɛmɛ kī etomɔ ye a. Míalɛ kī Tito sisi mi mbɔɛɛ? Mbɔɛɛ nné kakɔna mɔapɛ a bɔmɔ ye bɔnɛɛ, bɔtsɛ̃ osi mɔapɛ a lɛmɛ akū bɔakɛna adzuma?

XIX Ɔsa miakɔna kī nɛ foe kammɛ a, bɔbɔa mbɔdi kī bɔapili boe lɔlɔ nɛ mi anɛ. Oowo, fɔlá lomɔ! Bɔalɛ kɔɔzɛla ndɛ ayekī Kristo awɛ kī bɔlɛ kɔɔzɛla nɛ Baguma anɛ. Nwaɛ̃ amɛ, letsa nyɛ letsa kī bɔakɛna ni, bɔakɛna foe kī fubumɛna mi mibo anɛ nɛ mi katekado kammɛ.

XX Mavila kī nɛ ñyawo awā ni, maamɔ mi kī miláana ndɛ ayekī maawɛ kī mina, ade ayea mi malo miláamɔ yī ndɛ ayekī miawɛ kī nna a. Mavila kī maayamɔ ɔɔzɛ kakɛna, mɔ lineke kanɔ, mɔ kalɔkpa kana mɔatɛ mɔatɛ, mɔ akū odi fude kawɛ, mɔ fuvūnatsa, mɔ bati buĩ kanyɛ, mɔ lukūta mɔ onukpɛ̃ mɔa katakɛna nɛ mi kammɛ.

XXI Mavila lɛmɛ kɔ̃ nte mbuki ãya ni, yĩ Baguma aadɔla yĩ nɛ mi anɛ, ade maabe nko nɛ bati pii a kɔ̃ bɛkena tɔkpa bɛtɛ a akũ. Kitonɛkɔ̃ bɛtádani tɔwɔlɛ kamɛ nɛ efɔ̃ fɔtsa mɔ sukɛna fɔwɛtsa kpa kakɛna kamɛ, mɔ litsolɛwɛ mɔ linyolɛwɛ akũ a.

XIII

Paulo Kpa Korintofɔ Kɔdɛ Nkaɛ.

I Ade fukɔ̃ nyɛ lɛlɛdɛ kɔ̃ maayasɛla mi a. Katsɛlɛ Kpalɛwa a lɛ kɔ̃, “Nte bɛbɔɛ fɔlɛtsa nɛ odi akũ ni, kɛnɛ kɔ̃ adansifɔ nviã ãyɛ bɛ ɛlɛlɛ bɛlɛ kɔ̃ fɔlɛtsa a dɛĩ nɛ foɛ kamɛ fɔmɔ baako yɛ kɔtɔ.”

II Kɔ̃ ãya nɛ mi sɛkɛ̃ lɛyadɛ a, ndɛ bati a kɔ̃ bɛkɛna titikpa nɛ lɔkɔ̃ kɔ̃ lɛtɛ̃ kamɛ, mɔ bati bɛbã lɛmɛ. Lɛmɛ maabuki nɛlɛ foɛ finyaa, kɔ̃ nláa mi sɛkɛ̃ malo. Nte mbuki ãya ni, odima lɛláanɛ nɛ sɔtɔ kavɛlɛ kamɛ.

III Míamɔ yĩ kadzakɔ̃ a kɔ̃ miawɛ a, kɔ̃ fɔatsa kɔ̃ Kristo aɛ kɔdzɛla katsãmɛna yĩ akũ a. Nte yakɛna adzuma nɛ mi kamɛ ni, yɛ kɔ̃ ɛtádɔ, mbom yanyɛ yɛ kɔbɛ̃ katsa nɛ mi kamɛ.

IV Kɔ̃ bɛbɔa yɛ nɛ asɛndua akũ a, ɛdɔ lɛmɛ Baguma kɔbɛ̃ fɔ̃ ɛdzi nkpã. Ade ayea boɛ a kɔ̃ bɔkɛna ɔmɔa mɔ Kristo a bɔlã ɔsĩ a, lɛmɛ Baguma aado boɛ kɔbɛ̃ ayekɔ̃ bɔapuli bɔkɛna adzuma a kɔ̃ kɛnɛ kɔ̃ bɔkɛna nɛ mi kamɛ a.

V Minaa mi kamɛ, misɔ̃ mi akũ midã nte midzi nɛ mi katɛkado onukpɛ̃. Mitámɔ miyi ɔsũ kɔ̃ Yesu Kristo dɛĩ nɛ mi kamɛ mbɔɛɛ? Mínyina kɔ̃ ɛdɛĩ nɛ mi kamɛ, mbɔɛntɛ mitákpolã nɛ mi akũ kasɔkadã a kamɛ.

VI Matɛ kado kɔ̃ míayanyi kɔ̃ boɛ kɔ̃ bɔnya akũ nɛ kasɔkadã a kamɛ.

VII Bọake Baguma aduli kī mitakena nfumusu adima, nné kī bati aamọ kī bonya akū ne boe akū kasokadā a kame, mbom kī miakena fotsa wī tito kī foadā nde boe adzuma kakena tákpola malo.

VIII Kitonekī bọláapuli bọkena letsama butia ọnokọali a, mbom kene kī bọadza pintii bọkpa ọnokọali a.

IX Kawọle ade boe nte bọdọ, mọ mi kọ midzē pintii ne mi katekado kame. Ne foesū bọabọa mpae kī mibo ane mikpola flefle.

X Ade foesū matselẹ mi ovoli kī ne loko a kī ndzakū ne mi sekē a. Nkena foe lomọ ayekī nte iyawo awā ni, nláakọa kọbē a kī boe Ọlate kpa yī a nvele mi mọ ọsī mọ ọsī. Ekpa yī kọbē a kī nkọa ndọla mi mibo ane ne mi katekado kame, nné kī makọa mbula mi kade.

XI Nwaē aме, ne kawūna ni, midzi kadzi wī. Mibo ane mikpola flefle ne mi katekado kame. Mibọa mbọdi mikena ne yī kọde a akū, mikena onukpē mọa, midzi ne lukudọ kame leme. Baguma kī yawe bati kale, mọ ye lukudọ leme litomọ mi flee.

XII Miwōna akū flee ne Baguma lukudọ kame.

XIII Baguma bade a flee awōna mi!

XIV Boe Ọlate Yesu Kristo konyakamọ, Baguma ọdọ, mọ Hūhū Kpalẹwa a ọmọa kakena a, fona ne mi flee kame.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 28 Dec 2024 from source
files dated 29 Jan 2022

68df0193-2981-5275-8994-8f743fe01e5e